

Item, dil partir di quelle zente d' arme per Treviso, e altre provision bisogna im Padoa, e hanno *solum* 50 bombardieri. *Item*, fanno masenar a furia e reparar meglio si po; ma è cosse imperfecte, e se li manda danari *etc.*

Et vidi di sier Mathio Sanudo, pagador, di horre 21, a suo fratello. Comme in quella horra hanno, i nimici esser levati da Noventa e vanno versso Vicenza, brusando, e si vede fochi. *Item*, è fata la description di fanti pagati: sono in Padoa 3500 et venturieri da 3000.

Noto. Eri fo preso una parte, posta per i savij, che tutti quelli homeni maritimi che vorano andar a servir a Padoa o Treviso, per mexi do, *videlicet* si dagino in nota, et di questi siano electi 100 per balestrieri et 80 per comiti, *ut in parte.* Et fu presa.

Item, eri, a San Zuanne di la Zuecha, per li provedadori executori, fu fato la mostra, over zereha, de alcuni homeni, vanno con certi capi a Treviso, homeni maritimi, e se li dà ducati 3 per uno; et Saba, solito andar comito di galie, vene in colegio et si oferse andar con X homeni, a so spexe, per do mexi.

Noto. In questi zorni passati, hessendo venuto di Ferara qui, Andrea da la Janina, fu preso patron di fusta, lassato, come el dice, sopra la fede di tornar o darli la taja, et lassò suo fiol prexon, hor per il consejo di X fo preso el dito Andrea, fidelissimo nostro, et fu examinato. *Etiam* soa moier fu presa e lassata, et *etiam* lui poi fo lassato.

177 Noto. In questo zorno fono mandati in questa terra tre frati padoani, erano a Padoa, nel monasterio di San Francesco, tra i qual el guardian, fra' Lovato, che *alias* predichoe in questa terra, homo di gran fama, et uno di heremitani, i quali veneno a star di qui, a li monasterij di lhorò ordine, e questo per bon rispetto.

Item, è da saper, uno Caluro di Cao d' Istria, dottor, stato altre volte sopracomto di galia armata in Cao d' Istria, et fo commesso a l' avogaria, hessendo Jo di colegio, poi li fo dato, al presente, una fusta a la comunità di Cao d' Istria, la qual fo armata, e lui montò patron suso, e danizava molto in colfo, e la Signoria ave molti rechiami. Hor inteso el dito Caluro questo, andò via con la dita fusta et montoe a

Dil provedador Gradenigo, date in Treviso, vidi letere, di 7 la prima, di hore 18. Come non lavorava se non 50 homeni, e i marangoni lavorano il sostegno, et à fato che alcuni capi di parte darà

doman 1500 homeni, che lavorerà. Bisogna ruinar caxe e refar li repari che stanno mal.

Dil dito, a horre 6. Come, a horre 19, vi gionse el capetanio di le fantarie, e insieme andono afora la terra; visto li repari, rimase stupefato. E bisogna, a voler la conserva, 4000 provisionati, 200 homeni d' arme, 500 cavali lizieri; *item*, 50 bombardieri e artelarie, *ut* in lista. *Item*, dimanda la so guardia di 30, over 40, fanti, qual è causa di salvar le terre, come fo im Padoa, quando l' era provedador al bastion di Coa Longa, che li fo ferito Filippo Grecho, ch'era di la sua guardia, e li altri. *Item* scrive, si manda X nobeli, XX comiti con X homeni per uno, 25, over 30, marangoni et atendono a la fortification.

Dil dito, di 8. Come manda di qui domino Zuam Beneto di Codignola, fiol dil strenuo Juliano, condutier nostro et maestro dil campo, qual è instruto de quelli repari, acciò l' informi la Signoria. Et poi, per una altra, a parte, scrive, l' à mandato di qui per levarlo de li, che el non sta bene li, et sia qui intertenuto.

Dil dito, a di 8, hore 18. Come à ricevuto letere, a horre 8, di la Signoria, di la venuta di Matio da Zara, partito dil campo nimico. Come i nimici verano a expugnar Treviso, per tanto hanno intelligentia dentro; *unde* mandano di qui molti citadini, et insieme col podestà ne manderà de li altri, et muterano le guardie, e starano oculari e solicerano le fortification. Voria 200 bastasi. *Item*, consultato col signor capetanio, dize, è meglio più fanti cha homeni d' arme per esser la terra piccola, et voriano 6000 fanti, e lassar li homeni d' arme a Padoa, et 600 cavali lizieri. *Item*, si mandì soto homeni da capo di reputation *etc.* *Item*, la soa guardia, e si scrivi al podestà, trovi do cavalli, uno per lui, l' altro per il suo secretario.

Dil dito, data a horre 4. Come à ricevuto letere di la Signoria, di ozi, che uno Jacomo Confortim, suol habitar al Montello, homo che à gran seguito et à assa' partesani, è bon farli venir dentro, scrive, aver za mandato per lui e molti altri simeli; ma dal dito Jacomo sperano pocho per il territorio in titubation. Ozi hano auto qualche numero di homeni di la terra e à fato spianar il borgo, e fin hora non è gionto fante alcuno, ma sono alozati a Noal li fanti dil capetanio e li homeni d' arme, et perhò si habi fin 600 cavali lizieri. Il capetanio non se incuria di homeni d' arme. Da ogni canto, sì da persone che vengono dal campo inimico, come da ogni banda, risona, nemici farsi prestì per venir a questa impre-